



Long kisim lisens bilong yu long draivim kar

Toksave Long Ol Wokmanmeri Bilong Pasifik Na Timor-Leste | Stap Long Australia

Bai yu mas gat wanpela lisens long draivim car long Australia. Sapos yu draiv na nogat tru lisens em yu brukim lo.

Long kisim lisens bilong draivim kar long Australia i ken narapela kain long wanem hap yu stap long Australia – i gat narapela lo bilong kisim lisens long wanwan stet. Painim toksave long kisim lisens daunbilo hia:

Long Australian Capital Territory (ACT)	Transport – Access Canberra: https://www.accesscanberra.act.gov.au/app/home/transport (long kisim lisens bilong draivim kar long ACT em narapela kain long ol narapela hap long kantri)
Long New South Wales	Roads and Maritime Services: https://www.rms.nsw.gov.au/
Long Northern Territory	Department of Transport: https://nt.gov.au/driving
Long Queensland	Department of Transport and Main Roads: https://www.tmr.qld.gov.au/
Long South Australia	Department for Transport, Energy and Infrastructure: https://www.dpti.sa.gov.au/
Long Tasmania	Department of State Growth: https://www.stategrowth.tas.gov.au/
Long Victoria	VicRoads: https://www.vicroads.vic.gov.au/
Western Australia	Department of Transport: https://www.transport.wa.gov.au/



Long olgeta hap long Australia, yu bai brukim lo sapos yu draivim kar long taim yu spak long ol drug o long bia samting. Yu spak na draiv bai yu inap kamapim bikpela trabel long yu yet na ol narapela tu.

Long stap sef long rot

Taim yu draivim kar long Australia, yu mas draiv gut na lukautim ol narapela i stap long rot. Em importan tru bai yu mas lainim ol lo bilong draiv long rot, we ol dispela lo nogut i narapela kain tru long wanem lo yu save long kantri we yu kam long en (olsem sampela kantri i save draiv long narapela han-kais sait bilong ol rot). Ol lo tu i narapela kain liklik long wanem stet na teritori long Australia, olsem yu mas lainim wanem ol lo yu mas bihainim long hap stret yu stap long en. Sapos yu brukim ol lo, nogut bai yu baim moni. Na sapos yu brukim wanpela bikpela lo, bai yu inap lusim lisens bilong yu o polis i ken kotim yu long dispela.

Long taim yu kalap long kar long draiv yu mas:

- Save em sef long yu draiv
- Tingim gut ron bilong yu bai yu save gut yu go we tru
- Save olsem yu no pilim yu laik slip – na olgeta taim yu go long longpela rot yu mas stap na malolo liklik
- Sekim nogut i gat sampela toksave long trafik na rot i stap olsem wanem
- Sapos yu save bai yu dring bia, orait yu mas tingting gut na no ken dring bia na draivim kar.



Yu gat sampela askim gen?

Tingim yu inap long toktok wantaim husat manmeri i go pas long tim bilong yu,

husat kampani yu wok long en, na tu yu inap ringim PALM sapot servis long fone namba: 1800 51 51 31.

Taim yu draiv yu mas:

- Pasim gut sitbelt (draiva na ol pasindia)
- Draiv ananit long mak bilong spid
- No ken toktok o raitim sampela toktok long mobile fone
- Bihainim gut ol lo bilong rot, bihainim ol rot sain na mak long rot tu
- Lukluk gut long rot – no ken lukluk nabaut na lusim tingting long yu stap long rot
- Tingim ol narapela draiva na ronim kar gut wantaim ol
- No ken spid tumas long hap ol wokim rot, long hap bilong ol skul na hap tren i save katim rot tu.

